

৯ ডিসেম্বর ২০২১, সিসিএনএফ এর উদ্যোগে বেগম রোকেয়া দিবস উদযাপন:

“বেগম রোকেয়া দিবসের শিক্ষা: সমতা, ন্যায্যতা এবং গণতান্ত্রিক সমাজ বিনির্মাণের অঙ্গিকার”

প্রকৃত সুশিক্ষা চাই, যাহাতে মস্তিষ্ক ও মন উন্নত হয়

কক্সবাজার ৯ ডিসেম্বর ২০২১ঃ বেগম রোকেয়ার জীবনী থেকে শিক্ষা নিয়ে সমতা, ন্যায্যতা এবং গণতান্ত্রিক সমাজ বিনির্মাণে কাজ করার প্রত্যয় ব্যক্ত করেছেন কক্সবাজারের নারী নেতৃত্ব। বেগম রোকেয়া দিবস উপলক্ষে কক্সবাজার সিভিল সোসাইটি এনজিও ফোরাম (সিসিএনএফ) এর উদ্যোগে কক্সবাজার পৌর প্রিপ্যারাতরী উচ্চ বিদ্যালয়ে একটি আলোচনা সভার আয়োজন করা হয়। উক্ত আলোচনা সভায় বেগম রোকেয়ার জীবনীর উপর আলোকপাত হয়। “বেগম রোকেয়া দিবসের শিক্ষা: সমতা, ন্যায্যতা এবং গণতান্ত্রিক সমাজ বিনির্মাণের অঙ্গিকার” শীর্ষক আলোচনাটি সঞ্চালনা করেন কোস্ট ফাউন্ডেশন এর কর্মী তাহরিমা আফরোজ টুঙ্গা এবং মিজানুর রহমান বাহাদুর। উক্ত আলোচনা সভায় প্রধান অতিথি হিসেবে আলোচনা করেন, হামিদা তাহের, উপজেলা মহিলা ভাইস-চেয়ারম্যান, কক্সবাজার সদর উপজেলা পরিষদ, কক্সবাজার এবং সভাপতিত্ব করেন খালেদা বেগম, উপ-পরিচালক, ইপসা, কক্সবাজার। স্বাগত বক্তব্য রাখেন, বিমল চন্দ্র দে সরকার, প্রধান নির্বাহী, মুক্তি কক্সবাজার, অন্যান্যদের মধ্যে আরো আলোচনা করেন, এ্যাডভোকেট সাকী-এ-কাউছার, এপিপি, নারী ও শিশু নির্যাতন দমন ট্রাইব্যুনাল ও অধ্যাপক কক্সবাজার আইন কলেজ, বিশিষ্ট কবি ও সাহিত্যিক শামিমা আক্তার, মাসুদা মুর্শেদ আইভি-প্রধান শিক্ষক, কক্সবাজার সরকারী বালিকা উচ্চ বিদ্যালয়, ফাতেমা আনকিস ডেইজি, সভাপতি, কক্সবাজার কেন্দ্রীয় মহিলা সমবায় সমিতি, শিউলী শর্মা, নির্বাহী পরিচালক, জাগো নারী উন্নয়ন সংস্থা, নিলীমা আক্তার চৌধুরী, চেয়ারম্যান, অগ্রযাত্রা, কক্সবাজার, রিতা বালা দে-সিনিয়র শিক্ষক, কুতুপালং উচ্চ বিদ্যালয়, উখিয়া, গোলাম সরওয়ার-প্রধান শিক্ষক, পৌর প্রিপ্যারাতরী উচ্চ বিদ্যালয়, কক্সবাজার, পরশ কান্তি দে, সিনিয়র শিক্ষক, পৌর প্রিপ্যারাতরী উচ্চ বিদ্যালয়, মো: ইলিয়াছ, প্রধান নির্বাহী, সিএইচআরডিএফ।

বিমল চন্দ্র দে সরকার বলেন, বেগম রোকেয়া নারীবাদে এবং নারীবিরোধী সমাজের বিরুদ্ধে রুখে দাঁড়িয়েছিলেন। প্রকৃতপক্ষে সমাজের উন্নতি করতে হলে দুটি কাজ করতে হবে- এক) নারীদেরকে স্বাবলম্বী করে তুলতে হবে, দুই) নারীদের প্রতি পুরুষদের দৃষ্টিভঙ্গি বদলাতে হবে। এখন সোচ্চার হওয়ার সময় এসেছে, নারীদের সম্পদের উপর যে অধিকার রয়েছে তার যথাযথ বন্টন নিশ্চিত করতে হবে”

হামিদা তাহের বলেন, নারী নির্যাতনের বিরুদ্ধে রুখে দাঁড়ানোর জন্য আমাদের নারীদের তৈরি হতে হবে। আমরা নারীরা যদি জেগে উঠতে পারি তাহলে নারী সহিংসতা রোধ করতে পারব। নারীদের অধিকার আদায়ে আমাদেরকে সচেতন হতে হবে এবং ক্ষমতা বৃদ্ধি করতে হবে। শিক্ষার পাশাপাশি নিজেদেরকে দক্ষতা উন্নয়ন এবং কর্মক্ষেত্রে প্রবেশের সুযোগ গ্রহণ করতে হবে। এ্যাডভোকেট সাকী-এ-কাউছার বলেন, বর্তমানে সমাজের প্রতিটি ক্ষেত্রে বৈষম্য বিরাজ করছে। এই বৈষম্য দূর করতে হলে বেগম রোকেয়ার আদর্শকে ধারণ করে নতুন প্রজন্মকে এগিয়ে আসতে হবে। একটা সমাজে দু'টি চোখ, একটি পুরুষ আরেকটি নারী। নারী পুরুষকে সমানভাবে এগিয়ে যেতে হবে। ফাতেমা আনকিস ডেইজি বলেন, বেগম রোকেয়া যেমন তাঁর কর্ম, লেখনীর মাধ্যমে কাজ করে গেছেন, তেমনি আজকের রোকেয়া দিবসের মূল কর্ম চেতনা হলো, তোমরা সারাদেশে শিক্ষার সাহায্যে তোমাদের জ্ঞানের আলো চারদিকে ছড়িয়ে দিবে। মাসুদা মুর্শেদ আইভি বলেন, সুশিক্ষিত ও অসম্প্রদায়িক সমাজ বিনির্মাণে বেগম রোকেয়ার অবদান অপরিহার্য। বেগম রোকেয়ার দর্শন, শিক্ষা, মানবতাবোধ, সমাজ এবং সাংস্কৃতিক চেতনা অনুসরণ ও অনুকরণ করে তাঁর আদর্শকে সমাজের সর্বস্তরে ছড়িয়ে দিতে হবে। তিনি কক্সবাজারের শিক্ষা প্রতিষ্ঠান গুলোতে রোকেয়া কর্ণার করার দাবী জানান। শামিমা আক্তার বলেন, তৎকালীন নারী সমাজের শিক্ষার আলো নিয়ে এসেছিলেন নারী জাগরণের অগ্রদূত বেগম রোকেয়া। তিনি অনেক দুঃখে থেকেও নিজেকে কখনো অসহায় ভাবেননি। আমরা নারীরা মেধা ও চিন্তা শক্তিকে কাজে লাগিয়ে সমাজের নেতৃত্ব দেবো। আমাদের সবাইকে নারীদের প্রতি সম্মান প্রদর্শনের পাশাপাশি তাদের অবদানকে স্বীকৃতি দিতে হবে এবং নারীদের সমঅধিকার নিশ্চিতে অগ্রগামী ভূমিকা পালন করতে হবে। ফাতেমা আনকিস ডেইজি বলেন, আমরা জানি পরিবার, সমাজ, রাষ্ট্র, অর্থনীতি, রাজনীতি-সকল সমস্যা মোকাবেলায় পুরুষের সাথে সমান তালে এগিয়ে যাচ্ছে নারী। এই সমাজ নারী ছাড়া কল্পনা করা যায় না। সমাজের একটি গুরুত্বপূর্ণ অঙ্গ নারী এবং নারীদেরকেই নিজেদের ভাগ্যপরিবর্তনের লক্ষ্যে এগিয়ে আসতে হবে, সচেতন হতে হবে, শিক্ষিত হতে হবে, নিজের অধিকার সম্পর্কে জানতে হবে। কারণ শিক্ষা ছাড়া নারীদের এগিয়ে যাওয়া অসম্ভব। শিউলী শর্মা বলেন, নারীদেরকে হতে হবে জ্ঞানে-গুনে সমৃদ্ধ। অন্য নারীদের প্রতি হতে সহযোগী এবং বন্ধুসুলভ। বেগম রোকেয়ার জীবনের শিক্ষা নিজেদের জীবনে প্রতিফলন ঘটাতে পারলেই রোকেয়া দিবস সার্থকতা পাবে। নিলীমা আক্তার চৌধুরী বলেন, সমাজকে পরিবর্তন করতে হলে আগে নিজেকে পরিবর্তন করতে হবে। তাই পরিবর্তনের শুরু করতে হলে নারীদেরকে হতে হবে উদ্যোগী এবং উদ্যোগী। সভাপতির বক্তব্যে খালেদা বেগম বলেন, আমরা কর্মক্ষেত্রে নারী ও পুরুষের প্রতিযোগিতামূলক অংশগ্রহণ চাই। আমরা যদি পরিবার থেকে নারীর অধিকার নিশ্চিত করতে পারি তবে সমাজে নারীরা এগিয়ে যাবে।

বার্তা প্রেরক

জাহাঙ্গীর আলম

সদস্য সচিব- সিসিএনএফ ও সহকারী পরিচালক- কোস্ট ফাউন্ডেশন।

মোবাইল- ০১৭১৩০২৮৮২৭

House No: 75 Block: A Light House Road (East side of Niribili Orchid) Kalatoli, Cox's Bazar.

E-mail: ccnf.info@gmail.com, Phone: +880341-63186, +880341-63546 Web: <http://www.cxb-cso-ngo.org/>